

BOPHATLALATSI BA DITABA

SARS E HLAKISA PHETHAHATSO YA SEKEMA SA CHINA SE MABAPI LE HO SE LEFISWE HA DITHARIFI

Tshwane, 30 Motsheanong 2026 — Khomeshenara ya Ditshebeletso tsa Lekgetho tsa Afrika Borwa, Ngaka Johnstone Makhubu, o boletse hore SARS e phethetse moralo wa molao le wa tshebetso o mabapi le taolo ya sekema sa China sa ho se lefiswe ha ditharifi. Melao e mabapi le karolo ya 46A ya Molao wa Bolaodi ba Meedi, wa 1964, e laolang ho ntshuwa ha ditifikeiti tsa botso e fumaneha websaeteng ya SARS. Ho tloha ka la 1 Phuptjane 2026, SARS e ntle ntsha ditifikeiti tse mabapi le Melao ya Botso bakeng sa dithomelontle tse amehang.

Khomeshenara o tiisitse hore dithoto tse seng di rometswe kapa tse tsebahaditsweng ka la kapa ka mora la 1 Motsheanong 2026 di ka se be ka mosing mme bahwebi ba ka fumana ditifikeiti tsa botso bakeng sa dithoto tseo, mme sena se ba neha monyetla wa ho una melemo ya China ya ho se lefiswe dikgafa. Jwalo ka mohato wa nakwana, ba romellang dithoto ka ntle ho naha ba ka etsa ditlhophiso tsa tshireletso le bolaodi ba meedi ba China ebang ba se na ditifikeiti tsa botso. Tshireletso ena e tla lokollwa ka nako eo ho tla beng ho fumanwa ditifikeiti tsa makgonthe tsa botso ho tswa ho SARS tse mabapi le dithoto tsena tse monyetleng wa sena.

Khomeshenara o namme ka hore: “Maqalong a Phuptjane, re tlo qala ka mokgwa o bonolo le o kgonang ho printeha wa setifikeiti, sena se tla dumella ba romellang dithoto ka ntle ho naha ho pakahatsa botso le ho tseka monyetla ona wa ditharifi hanghang”. Setifikeiti sena se na le tsa tshireletso tse ikgethang mme se tla ananelwa ke Bolaodi ba Meedi ba China. Khomeshenara o tlatsitse ka hore SARS e tla ntsha moralo wa setifikeiti se tjhaetsweng monwana hang feela ha ba romellang dithoto ka ntle ho naha ba etsa kopo ya seo, mme ba tla boela ba eletswa ebang ho hlokeha ditokomane dife kapa dife tse ding tsa tshehetso ke bahlanka ba amehang.

Nakong eo a neng a arabela ho kgathatseha hona, Khomeshenara o itse: “Re utlwisisa hore ba romellang dithoto ka ntle ho naha ba na le dipotso tse mabapi le ka moo sekema sena se tlang ho sebetsa ka teng, haholoholo bakeng sa dithoto tse seng di le tseleng. Ke batla ho nnetefaletsa bahwebi ba rona hore ha ho moromelli wa dithoto ka ntle ho naha ya tlang ho siuwa morao tabeng ena. Ho tloha ka la 1 Phuptjane, SARS e tla ntsha ditifikeiti tsa botso ka tsela e kgutlelang morao ho akaretsa dithoto tse molemong wa sena tse ileng tsa romelwa ka dikepe kapa tsa hlekelwa ka mora la 1 Motsheanong 2026, hore le bona ba une molemo wa ho se lefiswe ditharifi”. Mohato ona o tiisa boitlamo ba SARS ba ho fana ka tlhakisetsa le nnetefaletsa ha ka lehlakoreng le leng e ntse e bebofatsa motsamao wa dithoto. Sena se boela se ikamahanya le boitlamo ba mokgatlo ba ho bebofatsa kgwebisano e molaong le ho sireletsa mokgwatshebetso wa bolaodi ba meedi wa Afrika Borwa.

SARS ke bolaodi bo kgethetsweng ho ntshuwa ha ditifikeiti tsa Melao ya Botso. Qeto ya China ya ho se lefise ditharifi, eo e bileng e akaretsang dinaha tse ding tsa Afrika, e dumella dithoto tse monyetleng wa sena ho kena mmarakeng wa China ntle le ho lefa dikgafa. Ho nnetefatsa ditifikeiti tse ntshitsweng, ka kopo ikopanye le rulesoforigin@sars.gov.za

Hodima moo, jwalo ka motjha wa nakwana, ba romellang dithoto ka ntle ho naha ba ka nna ba ikopanya le SARS ho rulesoforigin@sars.gov.za ho fumana tataiso ya motjha ona o motjha. Lenane la Dipotso tse Botswang Kgafetsa (FAQs) le tla phatlalatswa websaeteng ya SARS pejana bekeng e tlang.

Ba romellang dithoto ka ntle ho naha ba hopotswa hore ha se dithoto tsohle tse monyetleng wa lenaneo lena la China la ho se lefiswe ditharifi: tse ding tsa dintho di ntse di angwa ke dikgahla tsa ditharifi kapa ditekanyetso mmoho le boemo bo ikgethang. Ho se lefiswe ha ditharifi ho itshetlehile hodima boikobelo bo matla ba Melao ya Botso mmoho le Setifikeiti sa Makgonthe sa Botso. Ba romellang dithoto ka ntle ho naha ba tlameha ho tiisa ho tshwanelwa ke sena le bomphato ba bona ba China, ka ho ba le ditokomane tse nepahetseng tsa botso, le ho dula ba tseba metjha ya moraorao tjena ya SARS. Ke dithoto tse ikobelang feela tse tlang ho ba monyetleng was sena, mme ho etsa ditlhophiso tse hlokehang ho bohlokwa ho qoba ditiehisso kapa ho qhelelwa ka thoko kapa ho nyaolwa.

“SARS e ikemiseditse ho tshehetsa ba romellang dithoto ka ntle ho naha le ho ntlafatsa bahwebi ba tshepahalang ho una molemo wa dikgothaletso tsena tsa lefatshe ka bophara ha ka nqa e nngwe ho ntse ho sireletswa mekgwatshebetso ya bolaodi ba meedi”, o phethetse ka ho rialo Khomeshenara Makhubu.

Ho fumana lesedi le fetang lena, ka kopo ikopanye le SARSMedia@sars.gov.za.

KE PHETHO